



Resolución da Dirección Xeral de Centros e Recursos Humanos, pola que se resolve definitivamente o concurso de traslados entre persoal funcionario docente dos corpos de catedráticos e profesores de ensino secundario, escolas oficiais de idiomas, música e artes escénicas, artes plásticas e deseño, profesores técnicos de formación profesional, mestres de taller de artes plásticas e deseño e de inspectores ao servizo da Administración educativa e inspectores de educación (código de procedemento ED012A) convocado mediante a Orde do 4 de outubro de 2022 (Diario Oficial de Galicia número 196, do 14 de outubro)

Mediante a Orde do 4 de outubro de 2022 foi convocado concurso de traslados entre o persoal funcionario docente dos corpos de catedráticos e profesores de ensino secundario, escolas oficiais de idiomas, música e artes escénicas, artes plásticas e deseño, profesores técnicos de formación profesional, mestres de taller de artes plásticas e deseño, mestres, inspectores ao servizo da Administración educativa e inspectores de educación (código de procedemento ED012A) (DOG n.º 196, do 14 de outubro).

Unha vez consideradas as reclamacións e renuncias á participación, formuladas no marco da resolución provisional do 23 de febreiro de 2023, e logo de publicadas as vacantes definitivas mediante a Resolución do 26 de abril de 2023 consonte a base segunda da convocatoria e de conformidade co establecido na base trixésimo primeira da antedita Orde do 4 de outubro de 2022, a Dirección Xeral de Centros e Recursos Humanos

RESOLVE

Primeiro. Adxudicar e facer publica, tanto no Diario Oficial de Galicia como na páxina web desta consellería (www.edu.xunta.gal), o destino con carácter definitivo, en virtude da provisión deste concurso de traslados, ao persoal funcionario docente dos corpos de catedráticos e profesores de ensino secundario, escolas oficiais de idiomas, música e artes escénicas, artes plásticas e deseño, profesores técnicos de formación profesional, mestres de taller de artes plásticas e deseño e de inspectores ao servizo da Administración educativa e inspectores de educación que se relaciona no anexo I desta resolución, nos centros e sedes que nel se especifican.



Segundo. Declarar e facer publica, tanto no Diario Oficial de Galicia como na páxina web desta consellería (www.edu.xunta.gal), a situación de expectativa de destino o persoal funcionario dos corpos docentes que se relaciona no anexo II desta resolución.

Terceiro. Aprobar e facer publica, tanto no Diario Oficial de Galicia como na páxina web desta consellería (www.edu.xunta.gal), a relación definitiva de persoas excluídas que consta no anexo III desta resolución, polas causas que se indican.

Cuarto. No caso de que ata o 31 de agosto deste ano resulten suprimidos postos de traballo adjudicados pola presente resolución e co obxecto de determinar cal é o profesorado afectado pola dita supresión, observarase o disposto no artigo 3 do Decreto 140/2006, do 31 de agosto, polo que se determinan os criterios de perda do destino definitivo polas funcionarias e funcionarios docentes que prestan servizos nos centros educativos que impartan ensinanzas distintas das universitarias e o cómputo de antigüidade no centro en función das causas de acceso a el (DOG núm. 169, do 1 de setembro).

Tamén se poderán declarar anulados os destinos adjudicados que estean afectados pola estimación de recursos derivados desta resolución. O profesorado afectado e que participa como forzoso quedará na situación de suprimido con dereito preferente á localidade/zona en que se lle anula o posto de traballo obtido. Se participaron con carácter voluntario, adquirirán o dereito preferente á localidade e á zona na cal se lle anula o posto de traballo obtido ou en que tiña acreditado o destino definitivo, á súa elección, sempre e cando a súa resulta non fose cuberta.

Quinto. De conformidade co establecido na base trixésimo cuarta da Orde do 4 de outubro de 2022 (DOG do 14 de outubro), a toma de posesión dos novos destinos adjudicados mediante esta resolución, que se realizará na xefatura territorial correspondente, terá efectividade administrativa do 1 de setembro de 2023, polo que o cesamento nos centros anteriores expedirase con efectividade do 31 de agosto de 2023.

Sexto. Ao persoal funcionario docente dos corpos de catedráticos, inspectores ou profesores que obteñan destino desde a situación de persoal suprimido ou desprazado ou





exercendo o dereito de retorno, faráselle constar esta circunstancia na dilixencia de toma de posesión.

Sétimo. As persoas concursantes que obteñan praza neste concurso nalgunha das especialidades relacionadas na base décimo segunda.2 da citada orde estarán obrigadas, no prazo de dous anos contados a partir de 1 de setembro de 2023, a obter, cando menos, o certificado de lingua galega (Celga 4), agás que acrediten telo superado con anterioridade ou que posúan algunha das súas validacións ou homologacións.

Oitavo. Contra esta resolución definitiva, que pon fin á vía administrativa, as persoas interesadas poderán formular, con carácter potestativo, recurso de reposición ante a persoa titular da Dirección Xeral de Centros e Recursos Humanos no prazo dun mes contado a partir do día seguinte ao da súa publicación no Diario Oficial de Galicia, segundo o disposto nos artigos 123 e 124 da Lei 39/2015, do 1 de outubro, do procedemento administrativo común das administracións públicas, ou directamente un recurso contencioso-administrativo no prazo de dous meses ante o xulgado do contencioso-administrativo que sexa competente, de acordo co establecido nos artigos 8, 14 e 46 da Lei 29/1998, do 13 de xullo, reguladora da xurisdición contencioso-administrativa

Asinado electronicamente en Santiago de Compostela

O director xeral de Centros e Recursos Humanos

Jesús Manuel Álvarez Bértolo

INSÍRASE NO DOG

